

Latit.  
Gr. Scr.

Longit.  
Gr. Scr.

74 INDEX GEOGRAPHICUS.

32. 21.

67. 51.

num habitantium in Gabaa, qui translati sunt in Manaath. Locus datur in Tribu Ephraim, an verè?

Manaim, Mahanaïm, hic Angeli Dei fuerunt obviam Jacob, quos cum vidisset, appellavit nomen loci illius Mahanaïm, i. Castra, Genes. 32. v. 1. & 2. Manaim scribitur, Josue 13. v. 26. inter urbes Tribus Gad, & in confinio dimidiæ Manasse, quæ à Manaim complectitur universam Basan, & cuncta Regna Og Regis Basan. Ipsa Manaim postea assignata est Levitis è familia Merari, Josue 21. v. 57. & 1. Paralip. 6. v. 80. In 3. Reg. 4. v. 14. Ahinadab filius Addo præerat in Manaim.

32. 20.

66. 50.

32. 50.

68. 10.

Manasse Tribus in duas partes divisâ; altera cis, altera trans Jordanem descripta est, & hæc ad Aquilonem tendit; illa cum Tribu Ephraim mediam obtinet totius Judææ, quæ cis Jordanem est, partem. Manasse, unde Tribui nomen, filius fuit Joseph primogenitus, sed qui in benedictione Jacob minori Ephraim posthabitus: utrumque tamen suos vocavit, i. tamquam filios suos habuit Jacob; & ipsi loco patris Joseph duplicem habuere in divisione Terræ Promissæ partem. V. Ruben. Gamaliel filius Phadassur Manassitarum 32200. princeps fuit in Deserto, Numer. 1. v. 10. & 35. quibus omnibus mortuis, filii eorum ad 52700. multiplicati Terram Promissam ingressi sunt. Inter exploratores hujus Terræ fuit Gaddi filius Sufi de Tribu Manasse, Numer. 13. v. 12. Inter divisores Hanniël filius Ephod, 34. v. 23. & ex eadem Tribu fuere Duces in Israël Gedeon, Jair, Jephte. Descriptio utriusque partis Tribus Manasse est 13. Josue & 17. Hæc pro parte cis Jordanem, illa pro trans Jordanem.

31. 3.

66. 36.

Maon in octava parte Tribus Juda, prima inter urbes decem nominatur, Josue 15. v. 55. Est & Desertum, in quo fugit David à facie Saül fugiens, 1. Regum 23. v. 24. 25. dicitur Desertum Maon in campetribus ad dexteram Jesimon.

29. 5.

65. 10.

Mara. Exod. 15. v. 23. & venerunt (Israëlitæ) in Mara, nec poterant bibere aquas de Mara, eo quod essent amaræ, v. 24. & murmura- vit Populus contra Moysen, v. 25. at ille clamavit ad Dominum, qui ostendit ei lignum, quod cum misisset in aquas, in dulcedinem versæ sunt. Mara statio est Israëliitarum in Deserto inter Desertum Etham & Elim, Numer. 33. v. 8. 9.

Marcaboth. V. Beth-Marcaboth.

32. 35.

67. 40.

Mare. Mare Galilææ, Mare five stagnum Tiberiadis, &c. Mare Galilææ vocatur à Galilæa regione vicina. Mare Tiberiadis, ab urbe Tiberiade, quæ ab Herode Tetrarcha ampliata in honorem Tiberii Cæsaris sic appellata est; unde & Mare proximum, cui infidet, ab ipsa nomen accepit. Maris hujus longitudo est 15. aut 20. M. P. latitudo 8. aut 10. interfluente Jordane, totum amœnis circumdatum oppidis, Beth-saida five Juliade, Capharnaô, & Corozaim, à Septentrione; Gerasa, Gamala, Gadara ab Oriente; Bethsan, five Scythopoli à Meridie; Tira- chæa, Tiberiade & Jotapata ab Occidente. Juxta hoc Mare ambulans Jesus vidit duos fratres, Simonem qui vocatur Petrus, & Andream fra- trem ejus; Jacobum Zebedæi, & Joannem fratrem ejus; & vocavit eos, Matth. 4. v. 18. Marc. 1. v. 16. Et iis, Christo jubente, retia laxantibus tanta conclusa est piscium multitudo, ut retia rumperentur, & duæ naviculæ iis impletæ penè mergerentur, Luc. 5. v. 6. 7. Tem- pestatem, quæ ipso dormiente excitata erat, sedavit, Matth. 8. v. 24. & seq. Marc. 4. v. 37. & seq. Luc. 8. v. 23. & seq. Sed & super hujus Ma- ris aquas ambulavit Christus, Matth. 14. v. 25. Marc. 6. v. 48. Joan. 6. v. 19. & Christo jubente Petrus, Matth. 14. v. 29. & seq.

Ma-